



FOIRM 10 – ACHT NÁISIÚNTACHTA AGUS SAORÁNACHTA ÉIREANN, 1956

CTZ5

Iarratas ar Dheimhniú Eadóirseachta ó Thuismitheoir nó ó Chaomhnóir atá ag gníomhú thar ceann mionaoisigh de bhunadh Éireannach nó mionaoisigh a bhfuil caidreamh aige/aici le hÉirinn

Beidh aon duine a thabharfaidh faisnéis bhréagach nó mhíthreorach ciontach i gcion faoin Acht agus dlífead síneáil agus/nó príosúnacht a chur air/uirthe. Ina theannta sin, féadfaidh sé go mbeidh de thoradh ar fhaisnéis bhréagach nó mhíthreorach a thabhairt go ndiúltófar iarratas nó, i gcás ina mbeidh deimhniú eadóirseachta deonaithe, go ndéanfar an deimhniú sin a chúlghairm.

Cé dó/di an fhoirm seo?

- Is ceart duit an fhoirm iarratais seo a úsáid má tá tú ag iarraidh deimhniú eadóirseachta a fháil thar ceann do linbh mionaoise (faoi bhun 18 mbliana d'aois) tríd an leanbh a bheith de bhunadh Éireannach nó trí chaidreamh an linbh le hÉirinn.
- Má tá iarratas á dhéanamh agat ar eadóirseacht ar bhonn ginealaigh nó caidrimh le hÉirinn (gaol fola, cleamhnais, uchtála a bheith agat, nó bheith i do pháirtneir sibhialta, le duine is saoránach Éireannach), cuir tic sa bhosca cuí, le do thoil, agus tabhair mionsonraí iomlána, ar ceart fianaise dhoiciméadach a bheith mar thaca leo. Más gá duit, is féidir leat faisnéis bhreise a chur ar fáil ar dhuilleog ar leithligh.

Tabhair do d'aire, le do thoil

- Má chónaigh tú in Éirinn ar feadh trí bliana de na ceithre bliana roimh bhreith do linbh mionaoise, féadfaidh tú pas do do leanbh mionaoise a iarraidh go díreach ó oifig na bPasanna. Ceadaigh <https://www.dfa.ie/passports-citizenship/how-to-apply-for-a-passport/>, le do thoil, le haghaidh mionsonraí.

Conas an fhoirm seo a chomhlánú:

- Comhlánaigh an fhoirm seo trí úsáid a bhaint as dúch dubh agus as CEANNLITREACHA, le do thoil, agus cuir tic sa bhosca iomchuí
- Freagair GACH ceist. Murab infheidhme ceist, cuir isteach N/I (i.e. ní infheidhme) mar fhreagra uait. Bain úsáid as dúch dubh agus PRIONTÁIL I mBLOC-CHEANNLITREACHA.
- Cuir líne trí aon earráidí – Ná húsáid leacht ceartaitheach.
- Molaimid duit d'iarratas a sheoladh leis an bPost Cláraithe.
- Is féidir Post Cláraithe a rianú ar shuíomh gréasáin An Post, www.anpost.ie

Má éiríonn le d'iarratas, féadfaidh sé go mbeidh táille **dheimhniúcháin** suas le €200 iníoctha agat; féach leathanach na dtáilí saoránachta ar shuíomh gréasáin Sheachadadh Seirbhíse Inimirce ag <https://www.irishimmigration.ie/citizenship/>. Má dhiúltaítear d'iarratas, cuirfead an cinneadh in iúl duit agus, más cuí, na cúiseanna leis an diúltú. Níl aon phróiseas achomhairc ann; ach is féidir leat athiarratas a dhéanamh tráth ar bith má chreideann tú go gcomhlíonann tú na critéir.

Tábhachtach – beidh Ainm, Náisiúntacht, Dáta Breithe agus Áit Bhreithe do linbh a thaifeadfar ar do dheimhniú eadóirseachta, más amhlaidh go ndéanfar an t-iarratas uait a fhormheas, mar a bheidh siad luaite agat san iarratas uait. Cinntigh, le do thoil, go bhfuil na mionsonraí a chuireann tú ar fáil ceart. Ach a mbeidh deimhniú eisithe, ní féidir é a leasú.

1. Tábhachtach – tabhair na pointí seo a leanas do d'aire, le do thoil:

Is pribhléid agus ní ceart atá san eadóirseacht. Is ar gach iarratasóir atá an dualgas an fhaisnéis agus an fhianaise go léir a nochtadh chun cabhrú lena thaispeáint go gcomhlíonann sé nó sí na coinníollacha le haghaidh deimhniú eadóirseachta, lena n-áirítear gur duine dea-charachtair é nó í. Níl oibleagáid ar an Aire fógra roimh ré a thabhairt faoi fhaisnéis dhochrach arb eol don iarratasóir í cheana féin. Má tharlaíonn go dtagann faisnéis dhochrach chun solais le linn an t-iarratas a phróiseáil, ar fhaisnéis í a bhféadfadh an t-iarratasóir, de réir réasúin, a thuar go bhféadfaí í a chur san áireamh, ní dhéanfaidh an Roinn aon chomhfhreagras leis an iarratasóir ar an ábhar. Cuirfear an fhaisnéis sin san áireamh, áfach, sa phróiseas cinnteoireachta.

Is ceart duit a bheith ar an eolas go gceanglaítear le reachtaíocht saoránachta mionsonraí faoi gach duine dá ndeonaítear deimhniú eadóirseachta, lena n-áirítear ainm, seoladh agus dáta eisiúna an deimhnithe eadóirseachta, a fhoilsiú san Iris Oifigiúil. Is ceanglas dlí é sin, agus níl aon eisceachtaí ann.

Maidir le hiarratais i gcás ina bhfuil cás ar feitheamh ag an iarratasóir sa chóras cúirte, ní phróiseálfar iad go dtí go mbeidh an t-ábhar críochnaithe. Dá bhrí sin, ná cuir iarratas ar eadóirseacht isteach go dtí go mbeidh deireadh leis an gcás.

TABHAIR DO d'AIRE, LE DO THOIL: Le hAlt 15 (3) d'Acht Náisiúntachta agus Saoránachta Éireann, 1956, arna leasú, mínítear “iarratasóir”, i ndáil le hiarratas ar dheimhniú eadóirseachta ó mhionaoiseach, mar dhuine is tuismitheoir nó caomhnóir an mhionaoisigh nó an duine atá *in loco parentis* don mhionaoiseach.

Cuir an fhoirm arna comhlánú go hiomlán, an táille agus na doiciméid riachtanacha uile leis an bpost, le do thoil, chuig:

Iarratais ar Shaoránacht (Mionaoiseach)
Seachadadh Seirbhíse Inimirce
An Roinn Dlí agus Cirt
Bóthar Rosanna
Baile Thiobraid Árann
Éire
E34 N566

Fógra faoi phríobháideachas sonraí

1. Bailíonn Seachadadh Seirbhíse Inimirce (SSI), cuid den Roinn Dlí agus Cirt, na sonraí a chuireann tú ar fáil san fhoirm seo. Is í an Roinn Dlí agus Cirt an rialaitheoir sonraí i leith na faisnéise a chuireann tú ar fáil. Is iad mionsonraí teagmhála an rialaitheora sonraí: An Rannán Saoránachta, Seachadadh Seirbhíse Inimirce, an Roinn Dlí agus Cirt, 13 - 14 Cé an Bhúrcaigh, Baile Átha Cliath 2, D02 XK70.

2. Is féidir leat dul i dteagmháil leis an Oifigeach Cosanta Sonraí don Roinn Dlí agus Cirt trí scríobh chuig:

An tOifigeach Cosanta Sonraí, an Roinn Dlí agus Cirt, 51 Faiche Stiabhna, Baile Átha Cliath 2, D02 HK52. Nó le ríomhphost – dataprotectioncompliance@justice.ie

3. Bainfidimid úsáid as na sonraí pearsanta a chuireann tú ar fáil san fhoirm seo chun na gcríoch seo a leanas:

1. Measúnacht a dhéanamh ar do cháilitheacht le haghaidh an iarratais seo
2. Do chéannacht a fhíorú

4. Bailímid agus próiseálaimid na sonraí sin chun ár n-oibleagáidí dlíthiúla a chomhlíonadh nó chun tascanna a dhéanamh ar mhaithe le leas an phobail. Seo a leanas an bonn sonracha atá leis na sonraí seo a bhailiú agus a phróiseáil:

1. Acht Náisiúntachta agus Saoránachta Éireann, 1956, arna leasú, (Cuid III) Eadóirseacht.
2. Chun feidhm an Aire Dlí agus Cirt arna hainmniú san Acht Airí agus Rúnaithe, 1924 (arna leasú), a chomhlíonadh {is é sin, deimhniú eadóirseachta a dheonú d'iarratasóirí a chomhlíonann na coinníollacha reachtúla, arna leagan amach in Alt 15 den Acht Náisiúntachta agus Saoránachta Éireann, 1956, arna leasú}.
3. Tá d'oibleagáid orainn na sonraí sin a bhailiú agus a phróiseáil chun tasc lena gcomhalltar leas tábhachtach poiblí a dhéanamh. Áirítear sa leas poiblí oibriú éifeachtach éifeachtúil sheirbhísí inimirce na hÉireann a chinntiú.
4. Chun sláine an phróisis inimirce a chosaint agus chun a chinntiú go gcomhlíontar forálacha reachtúla Acht Náisiúntachta agus Saoránachta Éireann, 1956.

5. Déanfar na sonraí pearsanta a chuirtear ar fáil anseo a stóráil go slán sábháilte i mbunachair shonraí Sheachadadh Seirbhíse Inimirce agus i mbunachair shonraí Bhiúró Náisiúnta Inimirce an Gharda Síochána. Féadfar na sonraí a roinnt, más gá, leis na tríú páirtithe seo a leanas:

1. An Roinn Gnóthaí Eachtracha
2. An Garda Síochána / Gníomhaireacht Teorann na Ríochta Aontaithe

3. An Roinn Coimirce Sóisialaí

4. An Roinn Leanaí agus Gnóthaí Óige

5. Seirbhísí Sláinte, TUSLA, Ranna agus gníomhaireachtaí eile Rialtais.

6. Féadfar na sonraí seo a choimeád go dtí gur féidir le Seachadadh Seirbhíse Inimirce a bheith cinnte nach mbeidh a thuilleadh teagmhála agat leis na seirbhísí inimirce. Is tréimhse neamh-chinntithe í sin ós rud é go bhféadfaidh sé go mbeidh saol iomlán i do stair inimirce sa Stát.

7. Tá na sonraí pearsanta a chuireann tú ar fáil san fhoirm seo ag teastáil uainn chun a chinneadh an gcomhlíonann tú na critéir don scéim seo. Mura gcuireann tú na sonraí seo ar fáil, ní féidir d'iarratas ar an scéim seo a phróiseáil.

8. Tá de cheart agat rochtain a iarraidh ar do chuid sonraí pearsanta a phróiseálaimid, agus cóip díobh a iarraidh. Is féidir leat é sin a dhéanamh trí Fhoirm Iarrata ar Rochtain ó Ábhar Sonraí a chomhlánú, ar foirm í atá ar fáil ag www.justice.ie, agus í a chur chuig subjectaccessrequests@justice.ie. Féadfaidh sé go gceanglófar ort do chéannacht a fhíorú sula gcuirfimid an fhaisnéis chugat.

9. Tá de cheart agat a iarraidh orainn aon earráidí i do shonraí a cheartú nó do shonraí a scriosadh, chomh maith le srian a lorg ar phróiseáil do shonraí nó agóid a dhéanamh i gcoinne phróiseáil do shonraí in imthosca áirithe. Chun é sin a dhéanamh, is ceart duit scríobh chuig an Rannán Saoránachta, Seachadadh Seirbhíse Inimirce, an Roinn Dlí agus Cirt, 13 - 14 Cé an Bhúrcaigh, Baile Átha Cliath 2, D02 XK70, á mhíniú cad iad na hearráidí is gá a cheartú nó a scriosadh nó na cúiseanna atá agat le srianadh na próiseála a lorg nó le hagóid a dhéanamh i gcoinne na próiseála.

10. Tá ceart agat chun gearán a thaisceadh leis an gCoimisiún um Chosaint Sonraí má chreideann tú go bhfuil do chuid sonraí pearsanta á bpróiseáil againn go neamhdhleathach. Is féidir faisnéis faoin tslí le gearán a dhéanamh a fháil ar www.dataprotection.ie.

Admhaím gur léigh agus gur thuig mé an fhaisnéis atá leagtha amach thuas, a bhaineann le mo chearta cosanta sonraí.

Ainm _____

Síniú _____

Dáta _____

Roinn 4

Mionsonraí faoin mbunadh Éireannach nó faoin gcaidreamh le hÉirinn atá á éileamh (mionaoiseach)

Sa roinn seo, beidh ort mionsonraí a chur ar fáil faoin gcaidreamh le hÉirinn atá á éileamh thar ceann do linbh mionaoise.

Sonraí faoin mbunadh Éireannach nó faoin gcaidreamh le hÉirinn

Cuir isteach cóipeanna, le do thoil, de gach doiciméad lena gcruthaítear do Chaidreamh le hÉirinn, m.sh. deimhnithe breithe, taifead i gclár na mbreitheanna coigríche, deimhniú eadóirseachta. Is ceart na cóipeanna uile a bheith deimhnithe a bheith ina gcóipeanna dílse de dhoiciméid bhunaidh.

Seiciosta

Cinntigh, le do thoil, go bhfuil na doiciméid riachtanacha go léir curtha le d'iarratas. Is ceart fótachóipeanna de dheimhnithe a bheith deimhnithe a bheith ina gcóipeanna dílse de na deimhnithe bunaidh. Mura mbeidh an fhoirm comhlánaithe go hiomlán nó mura mbeidh an dearbhú reachtúil comhlánaithe i gceart, diúltófar d'iarratas mar nach mbeidh na ceanglais iarratais faoi Alt 17 den Acht Náisiúntachta agus Saoránachta Éireann, 1956, arna leasú, comhlíonta agus ní aisíocfar do tháille iarratais.

Tuairisc na ndoiciméad	Cuir tic leis ✓ má tá sé curtha isteach
Táille iarratais reachtúil	
Táille iarratais reachtúil €175, i bhfoirm Dréachta Baincéara amháin agus é iníoctha leis an Ard-Rúnaí, an Roinn Dlí agus Cirt . Níl orduithe poist ná seiceanna pearsanta nó gnó inghlactha. Is táille neamh-inaisíoctha í an táille sin agus is gá í a íoc ar gach iarratas ar dheimhniú eadóirseachta.	
Doiciméid aitheantais	
An chóip bhunaidh de do phas reatha agus de phas reatha do linbh.	
Cóip dheimhnithe de do dheimhniú breithe sibhialta bunaidh agus de dheimhniú breithe sibhialta bunaidh do linbh, agus cóip d'aistriúchán go Béarla má tá an dheimhniú i dteanga seachas Béarla nó Gaeilge.	
Dhá ghrianghraf pas dhaite de do leanbh arna nglacadh laistigh de 30 lá ó dháta déanta an iarratais. Scríobh uimhir phas do linbh ar chúl na ngrianghraf, le do thoil.	
Má tá caidreamh le hÉirinn ó ghinealach á éileamh agat, cuir cóip dheimhnithe ar fáil, le do thoil, de dheimhniú/dheimhnithe breithe agus de dheimhnithe pósta (más infheidhme) an duine/na ndaoine trína bhfuil caidreamh le hÉirinn á éileamh agat i leith do linbh.	
Cuir cóip dheimhnithe ar fáil, le do thoil, de phas reatha an duine/na ndaoine trína bhfuil caidreamh le hÉirinn á éileamh agat i leith do linbh má tá siad beo nó cóip dheimhnithe dá ndeimhniú báis má tá siad éagtha.	
Cónaitheacht (má tá cónaí ar do leanbh sa Stát)	
Cóip den litir lena ndeimhnítear stádas dídeanaí do linbh, más cuí	
Cóipeanna bunaidh (in ionad fótachóipeanna) de litreacha scoile ó gach ceann de na scoileanna ar ar fhreastail do leanbh suas go dáta déanta an iarratais. Ní foláir dátaí rollaithe, tréimhsí freastail agus an líon laethanta ar fhreastail sé nó sí i ngach scoilbhliain a thaispeáint sna litreacha scoile.	
Má d'fhreastail do leanbh ar scoil in Éirinn ar feadh níos lú ná trí bliana	
Litir ón Roinn Gnóthaí Fostaíochta agus Coimirce Sóisialaí ina luaitear go bhfuil tú ag fáil sochar linbh i leith do linbh, agus an dáta ar tosaíodh an íocaíocht	
AGUS	
Litir ó do dhochtúir ina luaitear go bhfuil do leanbh cláraithe leis an gcleachtas, an dáta ar cláraíodh do leanbh den chéad uair agus na dátaí ar fhreastail do leanbh ar an lialann, lena n-áirítear Taifead Imdhíonta Othair do linbh, más infheidhme	

Má tá do leanbh a chónaíonn in Éirinn 16 bliana d'aois nó níos sine ar dháta déanta an iarratais	
Cóip dá gCead Cónaithe Éireannach reatha arna eisiúint ag Biúró Náisiúnta Inimirce an Gharda Síochána (BNIGS) nó ag Seachadadh Seirbhíse Inimirce, de réir mar is cuí (ní bhaineann sé sin le saoránaigh den AE/LEE)	
Cinntigh, le do thoil, go bhfuil an fhoirm Toilithe Tuismitheora / Caomhnóra comhlánaithe agat	
Cinntigh, le do thoil	
Go bhfuil an dearbhú lena ndeimhnítear gur léigh agus gur thuig tú an fhaisnéis a bhaineann le do chearta cosanta sonraí comhlánaithe agat.	
Go bhfuil an Táille Reachtúil Phróiseála Iarratais €175 curtha isteach agat	
Go bhfuil na ceistanna go léir san fhoirm seo freagartha agat	
Go bhfuil gach fótachóip de dheimhnithe deimhnithe, i.e. stampáilte agus sínithe í a bheith ina “cóip dhílis den deimhniú bunaidh” ag aturnae, coimisinéir mionnaí, nótaire poiblí nó feidhmeannach síochána	
Go bhfuil cóipeanna d'aistriúcháin dheimhnithe d'aon doiciméid atá i dteanga seachas Béarla nó Gaeilge curtha isteach agat	

Tabhair do d'aire maidir le cóipeanna agus cóipeanna deimhnithe:

- I gcás ina n-éilítear cóip dheimhnithe, ní foláir duit do dheimhnithe bunaidh/do dhoiciméid bhunaidh a thabhairt chuig d'aturnae, nó chuig nótaire poiblí, coimisinéir mionnaí nó feidhmeannach síochána, agus iarraidh orthu fótachóip a dhéanamh de gach doiciméad agus a dheimhniú gur cóip dhílis den doiciméad bunaidh í, i.e. í a stampáil agus a shíniú í a bheith ina “Cóip dhílis den doiciméad bunaidh”.
- Más rud é nach bhfuil deimhnithe/doiciméid i mBéarla nó i nGaeilge, tá aistriúchán arna dhéanamh ag aistritheoir gairmiúil ag teastáil. Ní foláir cóip den aistriúchán, chomh maith leis an gcóip den doiciméad bunaidh, a chur ar fáil. Tabhair do d'aire, le do thoil, go bhféadfaidh sé go bhféachfaimid le barántúlacht doiciméad a chuirtear isteach a shuíomh le húdaráis na tíre eisiúna.

* Ceanglaítear ar dhaoine a bhfuil iarratas ar dheimhniú eadóirseachta á dhéanamh acu fianaise shásúil a chur ar fáil ar a gcéannacht agus a náisiúntacht. De ghnáth, bíonn an fhianaise sin i bhfoirm pas bhailí reatha agus féadfaidh sé go mbeidh doiciméid tacaíochta bhunaidh eile san áireamh, amhail pas arna theachtadh roimhe sin nó pas atá as dáta, agus deimhniú breithe. I gcorr-imthosca, i gcás nach féidir le hiarratasóir a bpas reatha, nó pas roimhe sin, deimhniú breithe nó doiciméid tacaíochta eile, a thabhairt ar aird, ceanglófar ar an iarratasóir míniú iomlán a chur ar fáil. Más féidir, is ceart fianaise shásúil go bhfuil iarracht déanta acu na doiciméid agus an comhfhreagras sin a fháil ó na húdaráis iomchuí, nó ón ambasáid atá freagrach as pasanna agus deimhnithe breithe a eisiúint ina dtír, a bheith mar thaca leis an míniú sin, agus na cúiseanna nach féidir na doiciméid a chur ar fáil a lua go soiléir. Breithneoidh Seachadadh

Seirbhíse Inimirce an míniú a thugtar agus, más deimhin leis go bhfuil cúiseanna leis nach bhfuil neart ag an iarratasóir orthu le fírinne, féadfaidh sé modhanna malartacha a mholadh don duine chun cuidiú lena gcéannacht agus a náisiúntacht a shuíomh.

** Mura bhfuil deimhniú breithe do linbh mionaoise agat, is ceart duit é a fháil ó na húdaráis iomchuí sa tír inar cláraíodh breith do linbh **sula** ndéanfaidh tú iarratas ar dheimhniú eadóirseachta.

Mionnscríbhinn Bhreithe a Úsáid

In imthosca teoranta eisceachtúla áirithe, féadfar glacadh le mionnscríbhinn bhreithe in ionad Deimhnithe Breithe i gcás inar féidir leat fianaise shásúil a thaispeáint nach bhfuil an deimhniú ar fáil agus nach féidir é a fháil. Mura bhfuil tú i seilbh do dheimhnithe breithe, nó má tá sé cailte agat, Ní ghlacfar le mionnscríbhinn. Ní foláir duit é a fháil ó na húdaráis iomchuí sula ndéanfaidh tú iarratas.